

Indlela yokuvula godu ihlelo lakho

Kubayini kufuneka bona ngilungiselele?

Umbuso ufuna ukusekela amahlelo we- ECD kobana avule godu ngendlela ephephileko. Lokhu kutjho bona ngaphambi kobana uvule godu ihlelo lakho, kufanele uphumelelise amagadango akhethekileko azokusiza ngokuphungula ubungozi bokusuleleka nge- Coronavirus. Umbuso unikele iForomu lokuziHlola, iKambiso yokuSebenza kanye nemiLayo ekhethekileko eveza amagadango lawa.

Ngimaphi amagadango wokuvula godu?

- 1 Hlangabeza zoke iimfuneko eziseForomini lokuziHlola.
- 2 Zalisa bewethule iForomu lokuziHlola.
- 3 Qeda ibandulo lokuvula godu le-SmartStart.
- 4 Thumela ababelethi nabatlhogomeli incwadi ejayelekileko.
- 5 Tlikitla isiFungo sokuLandela umthetho.
- 6 Vula godu ihlelo lakho.

Igadango 1: Hlangabeza iimfuneko eziseForomini lokuziHlola

- Funda irhelo lokuhlola kusiGaba 4.2 eForomini lokuziHlola.
- Thola bona ngiziphi iimfuneko ongazihlangabeza, nokobana ngiziphi ongatlhoga elinye ilwazi namkha isekelo kobana uzihlangabeze.
- Phumelelisa zoke iimfuneko.
- Nangabe utlhoga isekelo, thintana nomBandulakho wesiQhema

I-SmartStart izokunikela:

- * Ipakana yesekelo enamamaski, isibha nezinto zokuhlwengisa.
- * Imitlolo ekukhulunywa ngayo kusiGaba 4.1 seForomu lokuziHlola (likhona ngedatha yasimahla kuwebhusayidi yakho).

Igadango 2: Zalisa bewethule iForomu lokuziHlola

- Nangabe uphendula ngo- 'Iye' kizo ZOKE iimfuneko zesiGaba 4.2 seForomu lokuziHlola, zalisa iforomu. Nangabe ipendulwakho ngu-'Awa' kwenye nenge ifuneko, buyela eGadangweni 1, begodu nangabe kuyatlhogeka bawa isekelo kumBandulakho.
- Thatha isiqunto sokobana ingabe ufuna ukuzalisa iForomu lokuziHlola kuthungelwano namkha ephepheni.
- Zalisa isiGaba 1, 2, 3 nesesi- 4 seforomu. IsiGaba 5 asikatelelwa.
- Kusigaba 3.3, sebenzisa umlayezo womHlahlo we- SmartStart othi 'Ulirarulula njani inani elikhulu labentwana'.
- Tlikitla iforomu, bese ulethula kuthungelelwano namkha nikela umBandulakho ikhophi kobana ayise e-ofisini lendawo le-DSD.

UmBandulakho we-SmartStart uzokunikela:

- * Ikhophi yeForomu lokuziHlola.
- * Amaphosta nomhlahlo wekambiso ejayelekileko (isib. ukuhlahluba, ukukhomba amatshwayo nokuhlanjwa kwezandla).

Igadango 3: Qeda ibandulo lokuvula godu le- SmartStart

- Funda isiRhunyezo neRhelo lokuhlola leKambiso yokuSebenza kanye nemiLayo ye-SmartStart.
- Qeda ibandulo lokuvula godu le- SmartStart elimayelana nokuphatha ihlelo eliphephileko. (Ibandulo lizokutholakala kuthungelelwano namkha kumBandulakho.)

I-SmartStart izokunikela:

- * Ibandulo kuthungelelwano (ngedatha yasimahla kuwebhusayidi yabo). Kuzokuthogeka bona usebenzise i-smartphone ukwenza lokhu. Nangabe awunaso i-smartphone, bawa umBandulakho bona akuhlathululele ngebandulo.

Igadango 4: Thumela ababelethi namkha abathogomeli incwadi ejayelekileko

- Tlola idadamu yakho yokuvula godu kanye neminingwana yokuthintana encwadini ejayelekileko bese unikela boke ababelethi nabathogomeli babentwana behlelweni lakho.
- Thatha isilibhu sependulo esiphasi encwadini evela kubabelethi.

Umbandulakho we- SmartStart uzokunikela:

- * Incwadi ejayelekileko yelwazi lokuvula godu ozoyithumela kubabelethi nabathogomeli

Igadango 5: Tlikitla isiFungo sokuLandelwa komthetho

- Tlikitla bewutlole nedadamu kusiFungo sokuLandelwa komthetho, bese uyibonisa esangweni lehlelo lakho.

I-SmartStart sizokunikela:

- * Ikhophi yeforomu lombuso lesiFungo sokuLandelwa komthetho.

Igadango 6: Vula godu ihlelo lakho le- ECD

- Ilanga langaphambi kokuvula kwakho ihlelo lakho le-ECD, yenza izinto lezi ezihlanu:
 - hlwengisa kuhle yoke indawo
 - lungisa isitetjhi sokuhlamba izandla (isibha namanzi ahlanzekileko wempopo)
 - bonisa amaphosta welwazi kanye neHlelo lemSebenzini ebodeni
 - lungisa isitetjhi sokuhlaluba nerherho lokujama ilayini, ukufaka hlangana namatshwayo

Umbandulakho we-SmartStart uzokunikela:

- * Amatshwayo namaphosta welwazi.
- * Ithemphuleyidi yeHlelo lemSebenzini.

Sele ulungele ukuvula godu - sikufisela itjhudu!

